



Cambridge International A Level

AFRIKAANS

9679/04

Paper 4 Texts

October/November 2022

2 hours 30 minutes



You must answer on the enclosed answer booklet.

You will need: Answer booklet (enclosed)

Invigilators must refer to the Additional Materials List for instructions on the use of set texts in the examination.

INSTRUCTIONS

- Answer **three** questions in total in **Afrikaans**, each on a different text:
Answer **at least one question** from Section 1.
Answer **at least one question** from Section 2.
Answer **one other question** from **either** Section 1 **or** Section 2.
- Follow the instructions on the front cover of the answer booklet. If you need additional answer paper, ask the invigilator for a continuation booklet.
- Dictionaries are **not** allowed.

INFORMATION

- The total mark for this paper is 75.
- Each question is worth 25 marks.

INSTRUKSIES

- Beantwoord altesaam **drie** vrae in **Afrikaans**. Beantwoord elke vraag oor 'n verskillende teks:
Beantwoord **ten minste een vraag** uit Afdeling 1.
Beantwoord **ten minste een vraag** uit Afdeling 2.
Beantwoord **nog een vraag** uit **óf** Afdeling 1 **óf** Afdeling 2.
- Volg die instruksies op die voorblad van die antwoordboek. Die instruksies word ook hieronder in **Afrikaans** gegee. As jy nog papier vir jou antwoorde nodig het, vra die toesighouer vir nog 'n antwoordboek.
- Woordeboeke word **nie** toegelaat **nie**.

INLIGTING

- Die totale punt vir hierdie vraestel is 75.
- Elke vraag tel 25 punte.

This document has **8** pages. Any blank pages are indicated.

INSTRUKSIES VIR DIE ANTWOORDBOEK

Gebruik 'n swart of donkerblou pen. Jy mag 'n HB-potlood vir enige diagramme of grafieke gebruik.

Skryf jou naam, sentrumnommer en kandidaatnommer in die blokkies boaan die bladsy. Skryf duidelik en in hoofletters.

Moenie 'n uitwisbare pen of vloeibare uitwisser gebruik **nie**.

Moenie op enige strepieskodes skryf **nie**.

Skryf jou antwoorde in hierdie antwoordboek. Skryf aan albei kante van elke blad. Laat twee reëls oop tussen jou antwoorde vir elke vraag.

Skryf die nommer van die vraag wat jy beantwoord in die eerste kantlyn.

↓

Question	Part
1	(a)(i)
1	(a)(ii)

↑

Skryf die nommer van die onderafdeling in die tweede kantlyn as die vraag wat jy beantwoord uit onderafdelings bestaan, byvoorbeeld 1(a).

Doen al jou rofwerk in pen in hierdie antwoordboek. Trek 'n streep deur enigiets wat jy **nie** wil hê die eksaminator moet nasien nie sonder om jou werk onleesbaar te maak.

Moenie enige bladsye uit hierdie antwoordboek skeur nie.

Jy moet al jou werk inlewer. As jy enige ander antwoordboeke gebruik het, moet jy dit binne-in hierdie een sit.

Beantwoord **drie** vrae, elkeen oor 'n ander teks. Kies een vraag uit Afdeling 1, een uit Afdeling 2 en een ander vraag.

Afdeling 1

1 Mahala, Chris Barnard

Kies vraag (a) of vraag (b) en gebruik **500–600** woorde vir jou antwoord.

ÓF:

(a) Lees die uittreksel en beantwoord die vrae wat daarop volg:

Dit het nou baie sag gereën, fyn en saggies op die sink, met iewers 'n gemurmel in die geute.

“Daar was iets,” het hy gesê.

Hy het na sy bord sit en kyk, na die sous tussen die stukkies vleis en bone wat koud geword het onder 'n dowwerige bruin skil. Maar onder sy ooglede deur kon hy haar sien wegbeweeg van hom af, al verder weg van die bietjie lig om hom.

“Ek het geweet jy sal nie kan uithou nie.” Haar stem was ver. “Ek het so gedink.” Die reën was skaars hoorbaar in die donker, agter die gaas. Dit was niks anders meer as nog net geluid nie.

“Waarvan praat jy?” het hy gevra.

“Hy het jou doodgemaak omdat hy weggebly het.”

“Van wie praat jy?”

Haar stem het nog verder uit die donker gekom. “Dit sou makliker gewees het as ons nie weggekome het nie.”

En toe hy verstaan, het hy sy kop opgelig en in die donker na haar gesoek, want dit was die eerste keer ná baie jare dat sy van Ritter praat.

Maar sy was weg en die reën was weg en daar was nog net die loop van water op die werf en in die geute. Die oorkruiper was weg agter sy skilfertjie kalk en die muskiet was weg.

Delport het by die effense lig bly sit, by sy bord kos, en geluister hoe die weer baie ver bly rol in die donker vlakke.

(bl. 134)

(i) Wie is die “sy” met wie Delport hier praat?

(ii) Wat bedoel sy met “Hy het jou doodgemaak omdat hy weggebly het”?

(iii) Bespreek die rol van die natuur in die uittreksel en in die roman as geheel.

ÓF:

(b) “Jy raak oud, jy raak te diep weg in jouself, jy begin die binne aansien vir die buite. En toe weer: maar daar is nie meer baie buite nie; wat het oorgebly?” Bespreek die tema van gevangeskap en isolasie in dié roman.

2 Die verdwyning van Mina Afrika, Zuretha Roos

Kies vraag (a) of vraag (b) en gebruik **500–600** woorde vir jou antwoord.

ÓF:

(a) Lees die uittreksel en beantwoord die vrae wat daarop volg:

Maar teen Maandagaand, toe Sara laat van die Oortzens terugkom, is sy sielsmoeg. In die kombuis tref sy haar seuns aan, besig om self tjops te bak. Baba is al huis toe, en niemand het Mina sedert die oggend vroeg gesien nie.

In Mina se kamer lê die briefie prominent op die bed. *Liefste baas Erik en Missara – Ek het 'n koffer geleen, maar sal dit mooi oppas. Vergeef my asseblief, maar ek moet 'n rukkie wegkom. Hopelik is ek oor 'n maand terug, miskien minder. Moenie oor my bekommerd wees nie. Ek sal skryf. Vergeef my, maar alles is net te veel. Maak asseblief seker dat Tietser se huisie gesluit is en dat niemand daar ingaan nie. Ek en Sanet het nog nie kans gehad om enigiets te gaan inpak daar nie. Baie, baie liefde. Mina. XXXX*

(bl. 92)

- (i) Waarom het Mina vir niemand vertel dat sy weggaan nie?
- (ii) Waarheen het Mina gegaan?
- (iii) Hoekom is Mina verantwoordelik vir Tietser se huisie?
- (iv) Bespreek die titel met betrekking tot die uittreksel en die roman as geheel.

ÓF:

(b) Bespreek die tema van goed en kwaad in dié roman.

3 *Sabbatsreis*, Annelie Botes

Kies vraag (a) of vraag (b) en gebruik **500–600** woorde vir jou antwoord.

ÓF:

(a) Lees die uittreksel en beantwoord die vrae wat daarop volg:

Na regte moet ek my rekenaar aansit en iets begin skryf, al is dit net twee paragrafies. Maar die holte in my kop is te groot. Nou sit ek maar op my stoelplank en tik vir my ou gryse 'n SMS. *Mis j ontsettd. Hartseer vdag. Maak v m kofi Et sit op m bedkassi toe? Brand kers asb? Myta xxx*

By die huis sou ek vandag aangegaan het met my gaza. Afstof, tuin natmaak. Orrel speel vir 'n begrafnis. 'n Koerantrubriek skryf. Uie skil vir 'n herderspastei. Vetkoek knie. Gewag het vir my ou gryse om van die werk af te kom. Sou koffie gedrink het op die stoep.

Ek steek 'n sigaret aan. Ek wil nie huil nie. Cooni is dapper. Sy lag en raak nooit moeg nie, kry nooit kopseer nie. Sy dans en dans in die vieruurskemer van die Engelse dag. Haar kreukelpapierrok swaai om haar heupe. Cooni gaan vir Granny lekker aandkos kook.

Ek leun my kop teen die akker; luister na die voëls se piccolo-tjirpies, wag vir my selfoon om te piep. Dis net ek en die voëls en die winter en die vallende donker. As God dalk iewers in die akkerboomkronne is, weet ek nie van hom nie. Ek weet net die uur is verby halfpad, en nou-nou moet ek gaan aandkos kook.

(bl. 60)

(i) Waarom is Myta in Engeland?

(ii) Wie is Cooni?

(iii) Bespreek die rol van die akkerbos in die uittreksel en in die roman as geheel.

ÓF:

(b) “Clare maak die beste van haar moeilike omstandighede.” Stem jy saam met hierdie stelling? Bespreek.

Afdeling 2**4 *Ons wag op die kaptein, Elsa Joubert***

Kies vraag (a) of vraag (b) en gebruik **500–600** woorde vir jou antwoord.

ÓF:

(a) Bespreek die simboliek in die roman.

ÓF:

(b) Ana-Paula is oortuig “dat ’n mens afsydig moet bly in hierdie klimaat, dinge moet jou nie emosioneel raak nie”. Tot hoe ’n mate, dink jy, slaag die karakters daarin om afsydig te bly en nie emosioneel te raak nie? Staaf jou antwoord met verwysings na die roman.

5 *Die ambassadeur, André Brink*

Kies vraag (a) of vraag (b) en gebruik **500–600** woorde vir jou antwoord.

ÓF:

(a) Bespreek die rol wat die verteller in hierdie roman speel.

ÓF:

(b) Bespreek die tema van vryheid in die roman.

6 *Kanna hy kô hystoe, Adam Small*

Kies vraag (a) of vraag (b) en gebruik **500–600** woorde vir jou antwoord.

ÓF:

(a) “Diekie se misdad is dié van ’n gewetenlose persoon wat sy omstandighede vir sy dade blameer.” Stem jy saam met hierdie stelling? Staaf jou antwoord met verwysings na die toneelstuk.

ÓF:

(b) Bespreek Kanna en Makiet se verhouding.

BLANK PAGE

Permission to reproduce items where third-party owned material protected by copyright is included has been sought and cleared where possible. Every reasonable effort has been made by the publisher (UCLES) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.

To avoid the issue of disclosure of answer-related information to candidates, all copyright acknowledgements are reproduced online in the Cambridge Assessment International Education Copyright Acknowledgements Booklet. This is produced for each series of examinations and is freely available to download at www.cambridgeinternational.org after the live examination series.

Cambridge Assessment International Education is part of Cambridge Assessment. Cambridge Assessment is the brand name of the University of Cambridge Local Examinations Syndicate (UCLES), which is a department of the University of Cambridge.